

Kick-off Oficial di AVB-NL Department

Dia 23 di oktober a tuma lugar e kick-off oficial di AVB-NL na e tereno di entrenamiento renoba di Sparta na Rotterdam. Esaki a tuma lugar den presen-
cia di Minister Plenipotenciario Ady Thijsen, Director Tecnico di AVB David Abdul, e staff di AVB-NL, varios invitado renombra den futbol na Hulanda, y algun Arubiano cu ta residencia na Hulanda. Entre e personalidadnan importante tawata tin miembronan di directiva di Sparta Rotterdam, hoofdjeugdopleider di SV Excelsior, y e staff tecnico di Spartaan'20. E proyecto aki tin varios aña den formacion, cuminsando como un soño y awe ta bira un realidad pa AVB.

Un aña pasa, AVB a bira un di solamente 25 paisnan mundial scogi pa e proyecto TDS (Talent Development Scheme) y un FIFA Coach. AVB a presenta na FIFA un di e plannan tecnico strategico mas fuerte den nos region, segun evaluacion di ambos Concacaf y FIFA. Esaki a duna Aruba un oportunidad unico pa habri un departamento dedica na Hulanda,



cu meta pa scout, desaroya, y prepara talentonan cu raiz Arubiano cu ta biba na exterior. Tambe e departamento ta duna respaldo na e hobenan cu ta bay biba Hulanda pa estudio.

E meta final? Pa prepara talento Arubano pa hunga pa nos isla, y haci Aruba mas competitivo den e region di CONCACAF. Ta bon pa menciona cu e departamento aki ta wordo completamente sosteni financieramente door

di FIFA cu tin fondonan special pa proyectonan asina. Asina FIFA ta haci posibel pa desaroyo tanto na Aruba como na Hulanda por sigui hunto, dunando mas oportunidad pa nos futbol crece.

E AVB-NL Department ta enfoca riba Elite Player Development pa traha cu talentonan hubenil na Hulanda. Bou direccion di Geeta Khemlani, Head di Elite Player Development, e team tecnico ta consisti di Ixora



Baloetje (coordinador di damas), Reinhard Breinburg y Ronnie Nouwen (coordinadornan pa teamnan O17, O20, y Jong Aruba), y Marlon Dandare (head di scouting). E coordinadornan ta traha cu coaches y scouts cu tin hopi experiencia y ta evaluando y preparando e hubentudnan talentoso pa representacion na torneonan importante manera e Concacaf U17 Men y Concacaf Womens O20 Championship na februari 2025. E proyecto aki ta trece e lasonan entre e futbol di Aruba y esun na Hulanda mas cerca di otro, mantenendo e contactonan mas estrecho y tambe pa hungador cu sali for di Aruba, por wordo aten-



di debidamente na yegada. E meta siguiente ta forma e seleccion nacional pa futuro, y yuda nos isla bira un competidor den e region y asina logra realisa e vision di AVB pa bira un isla importante pa futbol den Caribe.

OCA ta presenta resultado di Interpaso



Cu 30 cabay inscribi, Interpaso a mira algun bataya interesante entre e yeguanan. Interpaso a ranca sali diasabra cu hues Sr. Jaime Camacho di Panama husgando e categorianan di Paseo di Yegua y Macho. Akinan Jade di famia Solagnier & Kock a sali Mihor Yegua di Paseo, lagando Acai como Primer Finalista. Den e Macho Diamante, monta pa su doño Lea Vink a bay

cu e titulo maximo. Den cabaynan castrado Raspustin di Brigitte Werleman a keda premia como e mihor Cabay Castrado.

Den e yeguanan di Paso Fino tabata tin algun categoria basta yen y interesante. Den cada categoria ta solamente e cabaynan cu keda na prome y di dos lugar ta pasa pa e Gran Campeonato, pues tin presion pa un bon prestacion pa por clasifica pa e premio

maximo.

Akinan e yeguanan a muestra un calidad halto caminda na final di anochi e resultado a keda como lo siguiente:

Gran Campeona: Florentina
Gran Campeona Reservada: Suavidad de la Siberia
Primer Finalista: Miss Aruba de las Piedras
Segunda Finalista: Madasa de Villa Floralina
Tercer Finalista: Rima di Criadero Hermanos Bruin



Cuarto Finalista: Victoria de Villa Floralina

Den e machonan ta Secreto de Magico cu a bolbe triunfa, cu Relampago de Altagracia como Reservado y Insomnio cu a bolbe pista di competencia kedando como Primer Finalista.

Den e cabaynan di modalidad diagonal ta Presumido del Anhelito a keda Gran Campeon, Oasis de los Sauc-es Campeon Reservado, Bi-

envenida e Mihor Yegua di Paseo den Trocha, Hennessy e Gran Campeon di Trocha y Galope.

Den e cabaynan hoben Heredero del Rey de Floralina a keda como Campeon Hoben den Trocha y Conquistador de Villa Floralina Campeon Hoben den Trote y Galope y Refugio de la Mecanica di Famia Pieters e Campeon Hoben den Paso Fino.